



Università degli Studi di Udine

COMUNICATO STAMPA + foto

Sierade la seconde edizion dal cors inmaneât dal Cirf SEDIS GNÛFS ESPERTS DI COMUNICAZION PAR FURLAN CERTIFICÂTS DALL'ATENEU DI UDIN Une studente de Cechie fra i partecipants

Udin, ai 12 di Zenâr dal 2009 – La Universitât dal Friûl e certifiche 16 gnûfs esperts di comunicazion in lenghe furlane. A son gjornaliscj, publiciscj, adets ae comunicazion, dipendents publics, sporteliscj in lenghe furlane, beneficiaris di assejns di ricercje, libars professioniscj e une studente dal Ateneu che e e ven de Cechie: duçj a àn frecuentade la seconde edizion dal cors “Comunicâ in lenghe furlane”. I atestâts di partecipazion ai corsiscj ju àn consegnâts vuê a Palaç Florio il Retôr Cristiana Compagno e la Direttore dal Centri Interdipartimentâl di Ricercje su la lenghe e la culture dal Friûl (Cirf) dal Ateneu, Piera Rizzolatti.

I 16 che a àn ricevût l’atestât di partecipazion a son: Federica Angeli, Marzia Comino, Roberto Danelon, Priscilla De Agostini, Giannina Degano, Jana Dubajovà, Concetta La Rosa Cassaniti, Gianni Lauzana, Magda Minotti, Antonella Ottogalli, Alessio Potocco, Elisabetta Pozzetto, Marco Seravalli, Franco Trovant, Elena Zanussi e Anna Zossi.

«La Universitât dal Friûl – e à rimarcât la Retore Compagno – e à prontât un model di formazion e di divulgazion de lenghe furlane che cumò ancje altris ateneus a stan cjapant di esempi cu lis diviersis lenghis minoritariis».

Il cors al è stât inmaneât dal Cirf in colaborazion cul Uffici formazion dal Ateneu. La partecipazion e jere gratuite, in grazie dai finanziaments de leç 482/99 su la tutele des minorancis linguistichis. La ativitât didatiche e di laboratori, davuelte dai docents Anna Bogaro, Giusuppe Mariuz e Mario Martinis coordinâts da Alessandra Montico, e à rivuardât la comunicazion tes lenghis minoritariis, il funzionament dai sistemis radiotelevisifs e la produzion cinematografiche in lenghe furlane.

UFFICIO STAMPA UNIVERSITÀ DI UDINE

Palazzo Florio, via Palladio 8 – 33100 Udine
tel. 0432-556270, fax 0432-556279, e-mail: ufficio.stampa@amm.uniud.it
Silvia Pusiol – 329 7506236, Stefano Govetto, Francesca Pelessoni